



巫學外集



花外集

玉笥山人

王沂孫

詞話

國朝

詞話

天香 龍涎香

孤嶠蟠煙層濤蛻月驪宮夜採鉛水汛遠槎風夢
深薇露化作斷魂心字紅蕤候火還乍識冰環玉
指一縷縈簾翠影依稀稀海天雲氣樂府補題海
天作海山
幾回殢嬌半醉翦春鐙夜寒花碎更好故溪飛雪
小窗深閉荀令如今頓老總忘卻樽前舊風味謾
惜餘熏空篝素被

花外集

花犯 苔梅

古嬋娟蒼鬢素靨盈盈瞰流水斷魂十里嘆紺縷
飄零難繫離思故山歲晚誰堪寄琅玕聊自倚謾
記我綠蓑衝雪孤舟寒浪裏 三花兩藥破蒙茸
依依似有恨明珠輕委雲卧穩藍衣正護春顚顛
羅浮夢半蟾挂曉么鳳冷山中人乍起又喚取玉
奴歸去餘香空翠被

露華 碧桃

紺葩乍坼笑爛漫嬌紅不是春色換了素妝重把

青螺輕拂舊歌共渡煙江卻占玉奴標格風霜峭
瑤臺種時付與仙骨 閒門晝掩悽惻似淡月梨
花重化清魄尙帶唾痕香凝怎忍攀摘嫩綠漸滿
溪陰詞綜漸滿 簌簌粉雲飛出芳豔冷劉郎未應
認得

南浦 春水

柳下碧粼粼認麴塵乍生色嫩如染清涵滿銀塘
東風細參差縠紋初徧別君南浦翠眉曾照波痕
淺再來漲綠迷舊處添卻殘紅幾片 蒲萄過雨

花外集

二

新痕正拍拍輕鷗翩翩小燕簾影蘸樓陰芳流去
應有淚珠千點滄浪一舸斷魂重唱蘋花怨采香
幽徑鴛鴦睡別本誤 誰道湔裙人遠

南浦

前題

柳外碧連天漾翠紋漸平低蘸雲影應是雪初消
巴山路蛾眉乍窺清鏡綠痕無際幾番漂蕩江南
恨弄波素襪知甚處空把落紅流盡 何時橘里
尊鄉泛一舸翩翩一作 東風歸興孤夢繞滄浪蘋
花岸別本誤 漠漠雨昏煙暝連筒接縷故溪深掩

柴門靜只愁雙燕銜芳去

別本芳誤作春

拂破藍光千頃

聲聲慢 催雪

風聲從臾雲意商量連朝滕六遲疑茸帽貂裘兔
園準擬吟詩紅爐旋添獸炭辦金船羔酒鎔脂問
翦水工夫猶未還待何時 休被梅花爭白好誇
奇鬪巧早徧瓊枝綵索金鈴佳人等塑獅兒怕寒
繡幃慵起夢梨雲說與春知莫誤了約王猷船過
剡溪

高陽臺 紙被

花外集

三

霜楮剝皮冰花擘繭滿腔絮溼湘簾抱甕工夫何
須待吐吳蠶水香玉色難裁剪更繡鍼茸線休拈
伴梅花暗卷春風斗帳孤眠 篝熏鵲錦熊氈任
粉融脂沅猶怯癡寒我睡方濃笑他欠此清緣揉
來細軟烘烘暖儘何妨挾纈裝綿酒魂醒半榻梨
雲起坐詩禪

疎影 詠梅影

瓊妃卧月任素裳瘦損羅帶重結石徑春寒碧蘚
參差相思曾步芳屨離魂分破東風恨又夢入水

孤雲闊算如今也。厭俦停帶了一痕殘雪。猶記
冰奩半掩。冷枝畫未就。歸櫂輕折。幾度黃昏。忽到
窗前。重想故人初別。蒼虬欲捲。漣漪去慢。蛻卻連
環。香骨早翠。蔭蒙茸不似一枝清絕。

露華

碧桃

晚寒竚立。記鉛輕黛淺。初認冰魂。紺羅襯玉。

詞譜紺羅

作碧羅

猶凝茸唾。香痕淨洗。妒春顏。色勝小紅。臨水

湔裙。煙渡遠。應憐舊曲。換葉移根。山中去年人

到。詞譜怪月悄。風輕閒掩。重門瓊肌瘦。損那堪。燕

花外集

四

子黃昏。幾片故溪浮玉。

詞譜故溪作過溪

似夜歸深雪前

村芳。夢冷雙禽。誤宿粉雲。

無悶

雪意

陰積龍荒。寒度雁門西北。高樓獨倚。悵短景無多
亂山如此。欲喚飛瓊起。舞怕攪碎紛紛。銀河水凍
雲一片。藏花護玉。未教輕墜。清致悄無似。有照
水一枝。詞綜南枝已攬春意。誤幾度憑欄。莫愁凝睇
應是梨花。夢好未肯放東風來。人世待翠管吹破
蒼茫。看取玉壺天地。

眉嫵 新月

漸新痕懸柳澹彩穿花依約破初暝便有團圓意
深深拜相逢誰在香徑畫眉未穩料素娥猶帶離
恨最堪愛一曲銀鉤小寶簾挂秋冷千古盈虧
休問嘆慢磨玉斧難補金鏡太液池猶在淒涼處
何人重賦清景故山夜永試待他窺戶端正看雲
外山河還老桂花舊影

水龍吟 牡丹

曉寒慵揭珠簾牡丹院落花開未玉欄干畔柳絲

花外集

五

一把和風半倚國色微酣天香乍染扶春不起自
眞如舞罷謫仙賦後繁華夢如流水池館家家
芳事記當時買栽無地爭如一朶幽人獨對水邊
竹際把酒花前剩拚醉了醒來還醉怕洛中春色
匆匆又入杜鵑聲裏

水龍吟 海棠

世閒無此娉婷玉環未破東風睡將開半斂似紅
還白餘花怎比偏占年華禁煙纔過夾衣初試歎
黃州一夢燕宮絕筆無人解看花意猶記花陰

同醉小闌干月高人起千枝媚色一庭芳景清寒
似水銀燭延嬌綠房雷豔夜深花底怕明朝小雨
濛濛便化作燕支淚

水龍吟

落葉

曉霜初著青林望中故國淒涼早蕭蕭漸積紛紛
猶墜門荒徑悄渭水風生洞庭波起幾番秋杪想
重厓半沒千峯盡出山中路無人到前度題紅
杏杳邈宮溝暗流空繞啼螿未歇飛鴻欲過此時
懷抱亂影翻窗碎聲敲砌愁人多少望吾廬甚處
只應今夜滿庭誰掃

花外集

六

水龍吟

白蓮

淡妝不掃蛾眉爲誰佇立羞明鏡眞妃解語西施
淨洗娉婷顧影薄露初勻纖塵不染移根玉井想
飄然一葉颺颺短髮中流臥浮煙艇可惜瑤臺
路迴抱淒涼月中難認樂府補題難認作誰認相逢還是冰
壺浴罷牙牀酒醒步襪空雷舞裳微褪樂府補題舞裳作羽
衣粉殘香冷望海山依約時時夢想素波千頃

水龍吟

前題

翠雲遙擁環妃夜深按徹霓裳舞鈴華淨洗涓涓
出浴盈盈解語太液荒寒海山依約斷魂何許甚
人間別有冰肌雪豔嬌無奈一作頻相顧 三十
六陂煙雨舊淒涼向誰堪訴別本向誰如今謾說
仙姿自潔芳心更苦羅襖初停玉璫還解早凌波
去試乘風一葉重來月底與脩花譜

綺羅香

秋思

屋角疎星庭陰暗水猶記藏雅新樹試折梨花行
入小闌深處聽粉片簌簌飄堦有人在夜窗無語
料如今門掩孤燈畫屏塵滿斷腸句 佳期渾似
流水還見梧桐幾葉輕敲朱戶一片秋聲應做兩
邊愁緒江路遠歸雁無憑寫繡牋倩誰將去謾無
聊猶掩芳樽醉聽深夜雨

綺羅香

紅葉

玉杵餘丹金刀剩綵重染吳江孤樹幾點朱鈴幾
度怨啼秋暮驚舊夢綠鬢輕凋訴新恨絳脣微注
最堪憐同拂新霜繡蓉一鏡晚妝妍 干林搖落
漸少何事西風老色爭妍如許二月殘花空誤小

車山路重認取流水荒溝始猶有寄情芳語但淒涼秋苑斜陽冷枝畱醉舞

綺羅香

前題

夜滴研朱晨妝試酒寒樹偷分春豔賦冷吳江一片試霜猶淺驚漢殿絳點初凝認隋苑綵枝重翦問仙丹煉熟何遲少年色換已秋晚疎枝頻撼暮雨消得西風幾度舞衣吹斷綠水荒溝終是賦情人遠空一似零落桃花又等閒誤他劉阮且畱取閒寫幽情石闌三四片

花外集

八

齊天樂

螢

碧痕初化池塘草熒熒野光相趁扇薄星流盤明露滴零落秋原飛燐綠裳暗近記穿柳生涼度荷分暝誤我殘編翠囊空嘆夢無準樓陰時過數點倚闌人未睡曾賦幽恨漢苑飄苔秦陵墜葉千古淒涼不盡何人爲省但隔水餘暉傍林殘影已覺蕭疎更堪秋夜永

齊天樂

蟬

綠槐千樹西窗悄

別本綠槐作綠陰

厭厭晝眠驚起

詞綜誤睡

飲露身輕吟風翅薄樂府補題云嫩翼風微流聲露悄半翦冰箋

誰寄淒涼倦耳漫重拂琴絲怕尋冠珥短夢深宮

向人猶自訴憔悴殘虹收盡過雨晚來頻斷續

都是秋意病葉難畱纖柯易老空憶斜陽身世窗

明月碎別本窗明作山明甚已絕餘音尙遺枯蛻鬢影參

差斷魂青鏡裏

齊天樂 前題

一襟餘恨宮魂斷年年翠陰庭樹樂府補題作庭宇乍咽

涼柯還移暗葉重把離愁深訴樂府補題作低訴西窗過

花外集

九

雨樂府補題西窗作西園怪瑤珮流空樂府補題作漸金錯鳴刀玉筇調

柱鏡暗妝殘別本鏡暗作鏡掩爲誰嬌鬢尙如許銅仙

鉛淚似洗歎移盤去遠樂府補題移盤作攜盤難貯零露病

翼驚秋枯形閱世消得斜陽幾度餘音更苦甚獨

抱清高詞綜作清商頓成淒楚謾想薰風柳絲千萬縷

齊天樂 贈秋崖道人西歸

冷煙殘水山陰道家家擁門黃葉故里魚肥初寒

雁落孤艇將歸時節江南恨切問還與何人共歌

新闋換盡秋芳想渠西子更愁絕 當時無限舊

事嘆繁華似夢如今休說短褐臨流幽懷倚石山
色重逢都別江雲凍結算只有梅花尙堪攀折寄
取相思一枝和夜雪

齊天樂

四明別友

十洲三島曾行處離情幾番悽婉墜葉重題枯條
舊折蕭颯那逢秋半登臨頓懶更葵箠難畱苧衣
將換試語孤懷豈無人與共幽怨一作愁怨遲遲終
是也別算何如趁取涼生江滿挂月催程收風借
泊休憶征帆已遠山陰路畔縱鳴壁猶蛩過樓初

花外集

十

雁政恐黃花笑人歸較晚

一萼紅

石屋探梅

思飄飄擁仙姝獨步明月照蒼翹花候猶遲庭陰
不掃門掩山意蕭條抱芳恨佳人分薄似未許芳
魄化春嬌雨澀風慳霧輕波細湘夢迢迢誰伴
碧樽雕俎笑瓊肌皎皎絕妙好詞作
喚瓊姬皎皎綠鬢蕭蕭青
鳳啼空玉龍舞夜遙睇河漢光搖絕妙好詞遙
睇作遙未
須賦疎香淡影且同倚枯蘚聽吹簫聽久餘音欲

絕寒透鮫綃

一萼紅 丙午春赤城山中題花光卷

玉嬋娟甚春餘雪盡猶未跨青鸞疎萼無香柔條
獨秀應恨流落人間記曾照黃昏淡月漸瘦移影
上小欄干一點清魂半枝空色芳意班班 重省
嫩寒清曉過斷橋流水問信孤山冰粟微銷塵衣
不浣相見還誤輕攀未許訪東南倦客掩鉛淚看
了又重看故國吳天樹老雨過風殘

一萼紅 紅梅

占芳菲趁東風嫵媚重拂淡煙支青鳳銜丹瓊奴

花外集

十二

試酒驚換玉質冰姿甚春色江南太早有人怪和

雪杏花飛薜珮蕭疎茜裙零亂山意霏霏 空惹

別愁無數照珊瑚海影冷月枯枝 一作吳豔離魂

蜀妖汜淚孤負多少小心期歲寒事無人其省破丹

霧應有偶歸時可惜鮫綃碎翦不寄相思

一萼紅 前題

翦丹雲怕江臯路冷千疊護清芬彈淚綃單凝妝
枕重驚認消瘦冰魂爲誰趁東風換色任絳雪飛
滿綠羅裙吳苑雙身蜀城高髻忽到柴門 欲寄

故人千里恨燕支太薄寂寞春痕玉管難畱金樽
易注一作幾度殘醉紛紛設重記羅浮夢覺步芳
影如宿杏花村一樹珊瑚淡月獨照黃昏

一萼紅

初春懷舊

小庭深有蒼苔老樹風物似山林侵戶清寒捎池
急雨時聽飛過啼禽掃荒徑殘梅似雪甚過了人
日更多陰壓酒人家試鏗天氣相次登臨 猶記
舊游亭館正垂楊引縷嫩草抽簪羅帶同心泥金
半臂花畔低唱輕斟又爭信風流一別念前事空
惹恨沈沈野服山筇醉賞不似如今

解連環

楸櫂

萬珠懸碧想炎荒樹密

恨絳娣先整吳

帆政鬢翠逞嬌故林難別歲晚相逢薦青子獨誇
冰頰點紅鹽亂落最是夜寒酒醒時節 霜槎蝟
芒凍裂把孤花細嚼時嚙芳冽斷味惜回澀餘甘
似重省家山舊游風月崖蜜重嘗到了輸他清絕
更畱人紺丸半顆素甌泛雪

三姝媚

次周公謹故京送別韻

蘭缸花半綻正西窗淒淒斷螢新雁別久逢稀謾
相看華髮共成銷黯總是飄零更休賦梨花秋苑
何况如今離思難禁俊才都減 今夜山高江淺
又月落帆空酒醒人遠綵袖烏紗解愁人惟有斷
歌幽婉一信東風再約看紅腮青眼只恐扁舟西
去蘋花弄晚

三姝媚

櫻桃

紅纓懸翠葆

別本紅纓
作紅櫻

漸金鈴枝深瑤堦花少萬

顆燕支贈舊情爭奈弄珠人老扇底清歌還記得

花外集

十三

樊姬嬌小幾度相思紅豆都銷碧絲空裊 芳意

荼蘼開早正夜色瑛盤素蟾低照薦筍同時歎故

園春事已無多了貯滿筠籠

別本貯
作贈

偏暗觸天涯

懷抱謾想青衣初見花陰夢好

慶清朝

槿花

玉局歌殘金陵句絕年年負卻薰風西鄰窈窕獨
憐入戶飛紅前度綠陰載酒枝頭色比舞裙同何
須擬蠟珠作蒂湘綵成叢 誰在舊家殿閣自太
眞仙去掃地春空朱旛護取如今應誤花工顛倒

絳英滿徑想無車馬到山中西風後尙餘數點還
勝春濃

慶宮春 水仙花

明玉擎金纖羅飄帶爲君起舞回雪采影參差幽
芳零亂翠圍腰瘦一捻歲華相誤記前度湘臯怨
別哀弦重聽都是淒涼未須彈徹 國香到此誰
憐煙冷沙昏頓成愁絕花惱難禁酒銷欲盡門外
冰澌初結試招仙魄怕今夜瑤簪凍折攜盤獨出
空想咸陽故宮落月

花外集

十四

高陽臺

殘萼梅酸詞綜殘新溝水綠初晴節序暄妍絕妙好詞
初晴誤獨立雕欄誰憐枉度華年朝朝準擬清明
作東風近料燕翎須寄銀箋又爭知一字相思不到吟邊

雙蛾不拂青鸞冷任花陰寂寂掩戶閒眠屢卜
佳期無憑卻恨金錢絕妙好詞何人寄與天涯信
趁東風急整歸船詞綜誤縱漂零滿院楊花猶是
春前

高陽臺

陳君衡遠游未還周公謹有懷人之賦倚歌和之

駝褐輕裝狻羈小隊冰河夜渡流澌朔雪平沙飛
花亂拂蛾眉琵琶已是淒涼調更賦情不比當時
想如今人在龍庭初勸金卮別本勸
作賜一枝芳信
應難寄向山邊水際獨抱相思江雁孤回天涯人
自歸遲歸來依舊秦淮碧問此愁還有誰知對東
風空似垂楊零亂千絲

高陽臺

和周草窗寄越中諸友韻

殘雪庭陰輕寒簾影霏霏玉管春葭小帖金泥不
知春在誰家詞綜在
作是誤相思一夜窗前夢奈個人水

隔天遮

別本個人
作似人

但淒然滿樹幽香滿地橫斜

江南自是離愁苦況游驄古道歸雁平沙怎得銀
箋殷勤與說年華如今處處生芳草縱凭高不見
天涯更消他幾度東風幾度飛花

掃花游

秋聲

商飈乍發淅淅初聞蕭蕭還住頓驚倦旅背青
鐙弔影起吟愁賦斷續無憑試立荒庭聽取在何
許但落葉滿堦惟有高樹迢遞歸夢阻正老耳
難禁病懷淒楚故山院宇想邊鴻孤唳砌蛩私語

數點相和更著芭蕉細雨避無處這閒愁夜深尤苦

掃花游 綠陰

小庭蔭碧遇驟雨疎風剩紅如掃翠交徑小問攀
條弄藥有誰重到謾說青青比似花時更好怎知
道口一別漢南遺恨多少 清晝人悄悄任密護
簾寒暗迷窗曉舊盟謬了又新枝嫩子總隨春老
漸隔相思極目長亭路杳攬懷抱聽蒙茸數聲啼
鳥

花外集

六

掃花游 前題

捲簾翠溼過幾陣殘寒幾番風雨問春住否但匆
匆暗裏換將花去亂碧迷人總是江南舊樹謾凝
佇念昔日采香今更何許 芳徑攜酒處又蔭得
青青嫩苔無數故林晚步想參差漸滿野塘山路
倦枕閒牀正好微曛院宇送淒楚怕涼聲又催秋
暮

掃花游 前題

滿庭嫩碧漸密葉迷窗亂枝交路斷紅甚處但匆

匆換得翠痕無數暗影沈沈靜鎖清和院宇試凝
竚怕一點舊香猶在幽樹 濃陰知幾許且拂簾
清眠引筇閒步杜郎老去算尋芳較晚倦懷難賦
縱勝花時到了愁風怨雨短亭暮謾青青怎遮春
去

鎖窗寒

春思

趁酒梨花催詩柳絮一窗春怨疎疎過雨洗盡滿
堦芳片數東風二十四番幾番誤了西園宴認小
簾朱戶不如飛去舊巢雙燕 曾見雙蛾淺自別

花外集

十七

後多應黛痕不展撲蝶花陰怕看題詩團扇試憑
他流水寄情邈紅不到春更遠但無聊病酒厭厭
夜月茶蘼院

鎖窗寒

春寒

料峭東風廉纖細雨落梅飛盡單衣惻惻再整金
猊香燼誤千紅試妝較遲故園不似清明近但滿
庭柳色柔絲羞舞淡黃猶凝 芳景還重省向薄
曉窺簾一作薄晚嫩陰欹枕桐花漸老已做一番風信
又看看綠徧西湖早催塞北歸雁影等歸時爲帶

將歸

詞綜誤
作春歸

併帶江南恨

鎖窗寒

出谷鶯遲踏沙雁少殢陰庭宇東風似水尙掩沈
香雙戶恁莓堦雪痕乍鋪那回已趁飛梅去奈柳
邊占得一庭新暝又還畱住 前度西園路記半
袖爭持鬪嬌眉嫵瓊肌暗怯醉立千紅深處問如
今山館水村共誰翠幄熏蕙炷最難禁向晚淒涼
一作
淒淒化作梨花雨

應天長

花外集

十六

疎簾蝶粉幽徑燕泥花間小雨初足又是禁城寒
食輕舟泛晴淥尋芳地來去熟尙彷彿大堤南北
望楊柳一片陰陰搖曳新綠 重訪豔歌人聽取
春聲猶是杜郎曲蕩漾去年春色深深杏花屋東
風曾共宿記小刻近窗新竹舊游遠沈醉歸來滿
院銀燭

八六子

掃芳林

一作洗
芳林

幾番風雨匆匆老盡春禽漸薄潤

侵衣不斷嫩涼隨扇初生晚窗自吟

沈沈幽徑

芳尋晚靄苔香簾淨蕭疎竹影庭深謾淡卻蛾眉
晨妝慵掃寶釵蟲散一作繡屏鸞破
時暗水和雲泛酒一作雨空山畱月聽琴料如今門
前數重翠陰

摸魚兒

洗芳林夜來風雨匆匆還送春去方纔送得春歸
了那又送君南浦君聽取怕此際春歸也過吳中
路君行到處便快折湖邊詞綸作河邊千條翠柳爲我

繫春住春還住休索吟春伴侶殘花今已塵土

花外集

十九

姑蘇臺下煙波遠西子近來何許能喚否又恐怕
一無殘春到了無憑據煩君妙語更爲我將春詞
將春上連花帶柳寫入翠箋句詞

摸魚兒

玉簾寒翠痕微斷別本翠痕作翠絲浮空清影零碎碧芽
也抱春洲怨雙捲小緘芳字還又似繫羅帶相思
幾點青鈿綴吳中舊事悵酪乳爭奇鱸魚謾好誰
與其秋醉 江湖興昨夜西風又起年年輕誤歸
計如今不怕歸無準卻怕故人千里何況是正落

日垂虹怎賦登臨意滄波裏縱一舸重游孤懷
暗老餘恨渺煙水

聲聲慢

啼蛩門靜落葉堦深秋聲又入吾廬一枕新涼西
窗晚雨疎疎舊香舊色換卻但滿川殘柳荒蒲茂
陵遠任歲華苒苒老盡相如昨夜西風初起想
尊邊呼櫂橋後思書短景淒然殘歌空叩銅壺當
時送行共約雁歸時人賦歸歟雁歸也問人歸如
雁也無

花外集

三

聲聲慢

高寒戶牖虛白尊巒千山盡入孤光玉影如空天
葩暗落清香平生此興不淺記當年獨據胡牀怎
知道是歲華換卻處處堪傷已是南樓曲斷縱
疎花淡月也只淒涼冷雨斜風何況獨掩西窗天
涯故人總老謾相思永夜相望斷夢遠趁秋聲一
片渡江

聲聲慢 柳周草窗

迎門高髻倚扇清吭娉婷未數西州淺拂朱鈴春

風二月梢頭相逢靚妝俊語有舊家京洛風流斷
腸句試重拈綵筆與賦閒愁 猶記淩波欲去問
明璫羅襪卻爲誰畱在夢相思幾回南浦行舟莫
辭玉樽起舞怕重來燕子空樓謾惆悵抱琵琶閒
過此秋
補遺

醉蓬萊

歸故里

掃西風門徑黃葉凋零白雲蕭散柳換枯陰賦歸
來何晚爽氣霏霏翠蛾眉嫵聊慰登臨眼故園如
塵故人如夢登高還嬾 數點寒英爲誰零落楚
魄難招暮寒堪攬步履荒籬誰念幽芳遠一室秋
燈一庭秋雨更一聲秋雁試引芳樽不知消得幾
多依黯

花外集

三

法曲獻仙音

聚景亭梅次草窗韻

層綠峩峩纖瓊皎皎倒壓波痕清淺過眼年華動
人幽意相逢幾番春換記喚酒尋芳處盈盈褪妝
晚 已銷黯况淒涼近來離思應忘卻明月夜深
歸輦荏苒一枝春恨東風人似天遠縱有殘花酒

征衣鉞淚都滿但殷勤折取自遣一襟幽怨

醉落魄

小窗銀燭輕鬟半擁釵橫玉數聲春調情真曲拂
拂朱簾殘影亂紅撲垂楊學畫蛾眉綠年年芳
草迷金谷如今休把佳期卜一掬春情斜月杏花
屋

長亭怨

重過中庵故園

泛孤艇東臯過訊尙記當日綠陰門掩展齒莓階
酒痕羅袖事何限欲尋前迹空惆悵成秋苑自約
賞花人別後總風流雲散水遠怎知流水外卻
是亂山尤遠天涯夢短想忘了綺疏雕檻望不盡
苒苒斜陽撫喬木年華將晚但數點紅英猶識西
園淒惋一作猶試

西江月

爲趙元父賦雪梅圖

褪粉輕盈瓊靨護香重疊冰綃數枝誰帶玉痕描
夜夜東風不掃溪上橫斜影淡夢中落莫魂銷
峭寒未肯放春嬌素被獨眠清曉

踏莎行

題草窗詞卷

白石飛仙紫霞悽調斷歌人聽知音少

別本人聽作重恨

幾番幽夢欲同時舊家池館生青草

別本云沈沈幽夢小池荒

依依芳意

風月交游山川懷抱憑誰說與春知

道空畱離恨滿江南

別本離恨作遺恨

相思一夜蘋花老

淡黃柳

甲戌冬別周公謹丈於孤山中次冬公謹游會稽相會一月又次冬公謹自剡還執手聚別且復別去悵然於懷敬賦此解

然於懷敬賦此解

花邊短笛初結孤山約雨悄風輕寒漠漠翠鏡秦

鬟釵別同折幽芳怨搖落素裳薄重拈舊紅萼

花外集

三

歎攜手轉離索料青禽一夢春無幾後夜相思素

蟾低照誰掃花陰共酌右七闕見絕妙好詞

望梅一名解連環

晝閒人寂

梅苑晝閒作晝關

喜輕盈照水犯寒先坼裊數

枝雲縷鮫綃

梅苑數枝作芳枝

露淺淺塗黃漢宮嬌額翦

玉裁冰已占斷江南春色恨風前素豔雪裏暗香

偶成拋擲

如今眼穿故國待拈花弄藥

梅苑作嗅藥

時話思憶想隴頭依約飄零甚千里芳心杳無消

息粉怯珠愁又只恐吹殘羌笛正斜飛半窗曉月

夢回隴驛 右一闕見花草粹編

金盞子

雨葉吟蟬露草流螢歲華將晚對靜夜無眠稀星
散時度絳河清淺甚處畫角淒涼引輕寒催燕西
樓外斜月未沈風急雁行吹斷 此際怎消遣要
相見除非待夢見盈盈洞房淚眼看人似冷落過
秋紈扇痛惜小院桐陰空啼鴉零亂厭厭地終日
爲伊香愁粉怨

更漏子

花外集

五

日銜山山帶雪笛弄晚風殘月湘夢斷楚魂迷金
河秋雁飛 別離心思憶淚錦帶已傷憔悴蛩韻
急杵聲寒征衣不用寬

錦堂春

七夕

桂嫩傳香榆高送影輕羅小扇涼生正鴛機梭靜
鳳渚橋成穿線人來月底曝衣花入風庭看星殘
靨碎露滴珠融笑掩雲扇 綵盤凝望仙子但三
星隱隱一水盈盈暗想憑肩私語鬢亂釵橫蛛網
飄絲胷恨玉籤傳點催明算人閒待巧似恁匆匆

有甚心情

錦堂春 中秋

露掌秋深花籤漏永那堪此夕新晴正纖塵飛盡
萬籟無聲金鏡開奩弄影玉壺盛水侵稜縱簾斜
樹隔燭暗花殘不礙虛明美人凝恨歌黛念經
年閒阻只恐雲生早是宮鞋鴛小翠鬢蟬輕蟾澗
妝牒夜發桂熏仙骨香清看姮娥此際多情又似
無情

如夢令

花外集

三五

妾似春蠶抽縷君似箏弦移柱無語結同心滿地
落花飛絮歸去歸去遙指亂雲遮處

青房竝蒂蓮

一作美成作誤

醉凝眸是楚天秋曉湘岸雲收草綠蘭紅淺淺小
汀洲芰荷香裏鴛鴦浦恨菱歌驚起眠鷗望去帆
一片孤光棹聲伊軋櫂聲柔愁窺汴隄翠柳曾
舞送當時錦纜龍舟擁傾國纖腰皓齒笑倚迷樓
空令五湖夜月也羞照三十六宮秋正朗吟不覺
同橈水花楓葉兩悠悠

右六闋見陽春白雪

